

*Il passà vain preschantà in localitats plainas d'istorgia.*

## Invista i'ls stizis da la guerra 14-18

12 piz da la staila

Il museum 14/18 a Sta. Maria documentescha l'istorgia da la pruma guerra mondiala illa regiun dals duos pass Stelvio ed Umbrail. El dess esser üna complettaziun da las sendas già existentes.

Da Mario Pult / anr

Sonda passada ha pudü gnir drivi a Sta. Maria il nouv museum. El as rechatta illa Chasa Plaz, i'l center dal cumün. Daspö l'on 2000 s'occupan las duos uniuns «Lions Club Val Müstair» e la «Società Stelvio-Umbrail» cul proget chi'd es uossa finalmaing realisà. L'iniziant da l'intrapraisa es David Accola, colonel dal stab da l'armada svizra. Sco chi ha dit Gabriela Binkert, la mastrala da la Val Müstair, in seis pled ufficial survain la regiun üna nouva perla. Ella ha ingrazchà als numerus donatuors e sponsurs da l'ouvrä per lur grond ingaschaint.

### Relief gigantesc

Il cumün da Sta. Maria ha miss a disposiziun la chasa per far il museum. Las localitats, üna jada schlers, spordschan ün grond

spazi d'exposizion. L'iniziant Accola ha declarè: «I nu's tratta dad ün museum cun chats dal temp da


la guerra. Da quels daja avuonda in Austria ed in Italia.» Ch'in quist museum sajan exposts be uni-

cats, ha'l intunà, sco per exampel ils ogets personals illa stanza dal cumendant. I dà eir ün archiv ed ün local per films e referats. Vi da las paraids illa sala sun pichats sü gronds purtrets panoramics dal 1918 cun legendas scrittas a man. Trais models muossan l'allogi dals sudats. Accola ha dit cha i'l center dal museum saja previs da far ün grondischem relief per dar la survista geografica. Dals 19 tocs ch'el cumpigliarà sun fats traiss.

### Pliazza rusticala

La pliazza davant il museum ha forza simbolica. L'artist da Müstair Duri Fasser tilla ha concepida ed ha spiegà: «Eu n'ha decis da tour traiss gronds grips originals chi dessan rapreschantar las traiss naziuns, las traiss linguis e lur culturas. I sun las muntnognas Traiss Linguis, Scroluzzo ed Umbrail.»

El agiundscha cha'ls 12 piz da la staila chi tils circundescha dessan muossar las regiuns cun lur valadas vaschinias sco eir ils cumüns da la Val Müstair.



*Ils duos inizianti dal museum: David Accola (a schn.) e Duri Fasser. (Fotos M. Pult)*